

■ GLOSSA

«Principessa lubida, pirat betg – gea sexistica!»

DA SILVIO CAMENISCH

Tge? Principessa lubida, pirat betg – quai na va betg, è gea sexistica!» di il bun psicolog d'uffants Allan Guggenbühl. Quel ple da or dal cor ad ina massa mammas u babs da la actuala collecziun, jau manegel generaziun da tschaver. «Uffants duain dastgar viver or lur vaira schlattaina, quai endretg.» Tgenina ch'è lura lur vaira, schlattaina, di noss uestg diocesan. Quel sa quai.

Mats, «Jungs», na dastgan betg esser endretg pli mats! Quai na va betg», di il psichio d'uffants Allan. «Mats vulan dastgar esser pirat, cavalier, cowboy, callboy u tge ch'i dat qua tut da pussaivladads. Mats vulan sondar or dal tut lur schlattaina, jau manegel pussaivladads da lur schlattaina. La ferma schlattaina dals mats è insatge sco cuntrada d'emprender. Qua guardan las mintgiletas dunnistas Onken e Schwarzer maltgiert sin mai.» Sche egliadas pudessan mazzar la schlattaina, la faussa, ellas faschesan.

La mamma biologica (ella è tetovada il corp entir, quai ch'ins vesa, uss l'essenzial na ves'ins betg, il sensaziunal na ves'ins betg, tuppamain betg!) dal prinzi-rambot Kevin Luca Kai di zunt stinada: «Mes Herzilein dastga tge ch'el vul!



Vul el vegnir sco pirat Barbanaira, Sir Blackbeard, en scoletta a rapinar a mulestar a malduvrar las mattetas timidias e tschellas er, l'onda Pina er e la pedagoga sociala gist er – è gea tschaver! nua è tes problem? – dastga el quai. El è mes tut, dastga tut. Fiss gea sexistica na dastgass el betg, tut!»

Il bab supponì (para-biologic? na di la mamma betg, na sa la mamma sezza betg uschè segir – era gea tschaver, tut in tranter l'auter, sutsur(a), en crusched a/en travers) di als scolasts, ils veneraturs dal teamteaching e da las cuntradas d'emprender: «Nossa pitschna Lisa Maria Urezza Chatrina Victoria vul ir sco 'Piranha naira Alice' quest onn. Quella vul ussa morder insatgi! Morder en ad insatgi! Da tschaver dastga ella, dastga ella il rest da l'onn gea er. Pertge betg da tschaver betg er? Vesa?»

Nus scolaras amias da la davosa primara giain quest onn sco Pussy Riot (tudestg circa «Muschikrawall») e quai endretg! Nossas mammas van er. Pertge nus betg er? Forsa ans scuntrain nus en l'ustaria, la Halla, dadens u dador, anen ed anor – è gea tschaver ed ina immigraziun da massa en ed or, or ed en, en ed or, fin baud u tard l'avantmezdi dal «venderdi mellen», l'uschenumnà. Lura giain nus a chasa, sche nus anc chattain!

Elna nus betg ina immigraziun da massa dad esters dad estras! Nus lain dals noss. Ina circulaziun libra da persunas, betg dals noss, na lain nus betg! Porta-hidschab, niqab, burca da «noss linguatg» dastgan en ed or – è gea sexy – autras dad auters na dastgan betg! Duain signalisar detschertamain ch'ins na dastga betg cun tuts.

Dastgain nus betg insatge – ma lessan – auzain nus bratscha e mauns, gea, en furma da crusched cruscheda diagonal; so, la benedicziun diocesana retschavain nus tuttina, egual sco principessa lubida, pirat betg! Qua vegnin nus encunter fitg, 49,7%, il rest na vegnin nus betg! Nus betg! Noss successur cun dretg da successiun.